



MAJLIS BANDARAYA SEBERANG PERAI

TEKS UCAPAN

YBHG. DATO' Sr HAJI ROZALI BIN HAJI MOHAMUD
DATUK BANDAR
MAJLIS BANDARAYA SEBERANG PERAI

SEMPENA

CERAMAH PERDANA SEMPENA SAMBUTAN
HARI BANDARAYA MBSP

IHSAN: KAMU MELIHAT-NYA, DIA MELIHAT KAMU...

OLEH

YANG BERBAHAGIA
USTAZ DON DANIYAL BIN DON BIYAJID

TARIKH / MASA / TEMPAT

26 SEPTEMBER 2019 (KHAMIS)
7.30 MALAM

MYDIN MALL BERTAM
KEPALA BATAS

Terima kasih Saudara/Saudari Pengacara Majlis

Yang Berbahagia Ustaz Don Daniyal Bin Don Biyajid

Yang Dihormati Ahli-Ahli Majlis

Majlis Bandaraya Seberang Perai

Yang Berusaha Puan Ir Hajah Rosnani Binti Haji Mahmod

Puan Setiausaha Bandaraya

Yang Berusaha Encik Mohamad Nizam bin Md Shariff

Yang Dipertua PERMAI

Tuan Syed Abd Rahman Bin Syed Hashim

Naib Yang Dipertua PERMAI

Encik Ahmad Asrulddin Bin Ahmad Kamaluddin

Setiausaha Kehormat PERMAI

Ketua-Ketua Jabatan dan Pegawai-Pegawai Kanan

Majlis Bandaraya Seberang Perai

Ahli-Ahli Jawatan Kuasa

PERSATUAN KEBAJIKAN PEKERJA-PEKERJA ISLAM MPSP [PERMAI]

Ahli-Ahli PERMAI

Kakitangan-kakitangan

Majlis Bandaraya Seberang Perai

Rakan-Rakan Media

Yang Dikasihi Dif-Dif Jemputan, Tuan-Tuan, Puan-Puan Dan Muslimin

Muslimat Yang Dihormati Sekalian

Assalamualaikum warahmatullahi wabarakatuh,

Selamat malam dan salam sejahtera,

Alhamdulillah, setinggi-tinggi kesyukuran dipanjatkan ke hadrat illahi kerana dengan limpah dan kurnianya dapat kita bersama-sama dalam Majlis Ceramah Perdana Khas Sempena Pengisytiharan Majlis Bandaraya Seberang Perai yang bertajuk “ ***Ihsan: Kamu Melihat-Nya, Dia Melihat Kamu...***” Saya amat mengalu-alukan kehadiran YBhg. Dato'-Dato' / Datin-Datin / Tuan-Tuan / Puan-Puan / muslimin / muslimat yang saya hormati sekalian ke ceramah perdana ini.

Terlebih dahulu saya bagi pihak Majlis Bandaraya Seberang Perai (MBSP) ingin merakamkan ucapan setinggi-tinggi penghargaan dan terima kasih kepada pihak pengurusan Mydin Bertam, Kepala Batas kerana sudi menaja lokasi bagi PERMAI dan MBSP menganjurkan Ceramah Perdana Khas seperti yang diadakan pada hari ini. Mudah-mudahan, usaha pihak pengurusan Mydin Bertam ini mendapat keberkatan daripada Allah SWT.

Tidak dilupakan, ucapan jutaan terima kasih kepada para hadirin sekalian kerana sudi meluangkan masa untuk bersama-sama menimba ilmu dalam Ceramah Perdana Khas kali ini

Kesempatan ini juga, saya ingin mengucapkan terima kasih dan sekalung penghargaan kepada Yang Dipertua PERMAI dan Ahli Jawatankuasanya serta semua pihak yang terlibat di dalam menjayakan

Ceramah Perdana Khas. Moga kita semua akan beroleh keberkatan daripada Allah SWT.

Saya mengalu-alukan kehadiran Yang Berbahagia **Ustaz Don Daniyal Bin Don Biyajid** selaku penceramah dalam Ceramah Perdana Khas pada malam ini yang akan memberikan ceramah bertajuk ***“Ihsan: Kamu Melihat-Nya, Dia Melihat Kamu...”***

Tuan-Tuan / Puan-Puan yang saya hormati sekalian,

Pada 16 September 2019 kita telah menyaksikan Majlis Perbandaran Seberang Perai dinaiktarafkan secara rasminya menjadi Majlis Bandaraya Seberang Perai (MBSP). Jutaan tahniah dan syabas kepada seluruh warga kerja MBSP terutamanya Ahli-Ahli Majlis, Puan Setiausaha Bandaraya, Ketua-Ketua Jabatan, kakitangan-kakitangan MBSP dan warga Seberang Perai di atas usaha dan kerjasama yang diberikan dalam merealisasikan hasrat untuk dinaiktarafkan daripada Majlis Perbandaran kepada Majlis Bandaraya.

Saya percaya kita sudah bersedia untuk terus menyahut cabaran dalam merealisasikan Seberang Perai sebagai Bandaraya Rendah Karbon dan Bandaraya Pintar menjelang tahun 2022 dan seterusnya menjadikan

Seberang Perai Resilient, Inklusif, Hijau, Kompetitif dan Bandar Pintar dipacu oleh Teknologi.

MBSP akan terus komited untuk membawa perubahan kepada rakyat setelah dinaiktaraf menjadi bandaraya terutamanya dalam *institutional reform* dan sistem penyampaian supaya semua rakyat Seberang Perai dapat menikmati faedahnya. Pembaharuan institusi dan sistem penyampaian yang pantas berada di bawah *Strategic Initiatives C4* iaitu *Accelerate Programme Delivery And Institutional Reform* dalam Penang 2030. Saya amat berharap *institutional reform* yang dilaksanakan dapat memenuhi ekspektasi semua kehendak *stakeholders* di samping dapat mempertingkatkan lagi perkhidmatan perbandaran, perancangan, pembangunan dan infrastruktur yang cekap dan berkesan.

Pihak Pengurusan MBSP sentiasa berkerjasama dengan kesemua persatuan dan pertubuhan di MBSP iaitu, ANULAE, PUSPANITA, PESUKA, KOSPEMA, KOSPETA dan juga PERMAI yang menjadi lidah penyampai bicara rakyat serta warga kerja MBSP. MBSP amat menghargai sokongan padu dan kerjasama yang diberikan oleh semua persatuan dan pertubuhan dalam menjayakan visi dan misi MBSP.

Tuan-Tuan / Puan-Puan yang saya hormati sekalian,

Tajuk Ceramah Perdana Khas pada malam ini yang akan dibentangkan secara mendalam oleh Yang Berbahagia **Ustaz Don Daniyal Bin Don Biyajid** bertajuk ***“Ihsan: Kamu Melihat-Nya, Dia Melihat Kamu...”***

Secara ringkasnya ‘Ihsan’ bermaksud kebaikan, kebajikan, perbuatan yang baik dan kemurahan hati dalam usaha memupuk nilai santun dalam komunikasi seharian. Ihsan juga mewajibkan umat Islam untuk menjalankan kerja atau tugasnya dengan setia dan jujur di tempat kerja. Selain itu Islam juga menekan setiap insan perlu menyempurnakan kerja-kerja yang diamanahkan demi Allah SWT dan untuk kehidupan dunia dan akhirat .

Adapun yang dimaksud ihsan bila dinisbatkan kepada peribadatan kepada Allah adalah sebagaimana yang disabdakan oleh Rasulullah SWT dalam hadist Jibril :

“Wahai Rasulullah, apakah ihsan itu? Beliau menjawab, ‘Kamu menyembah Allah seakan-akan kamu melihat-Nya, maka jika kamu tidak melihat-Nya maka sesungguhnya Dia melihatmu.’ (H.R. Muslim 102).

Memahami dan menghayati sifat Ihsan ini akan membantu umat Islam mewujudkan pekerjaan yang cemerlang dan berkualiti tinggi. Saya menyeru seluruh warga kerja MBSP agar bersama-sama berkerjasama bagi merealisasikan matlamat Seberang Perai Aspirasi Bandar Masa Hadapan. Kemakmuran dan kesejahteraan yang akan dinikmati melalui perkhidmatan yang dicurahkan di tahap terbaik sentiasa akan memberikan manfaat dan faedah yang sangat besar kepada seluruh masyarakat di Seberang Perai.

Ekspektasi penduduk terhadap perkhidmatan MBSP tidak lagi seperti dulu, pekerja yang baik sahaja tidak mencukupi, sebaliknya mereka perlu menjadi tenaga kerja 'hebat' iaitu individu yang melaksanakan tugas tanpa perlu diarah atau dipantau dan berdisiplin tinggi. Setiap warga kerja MBSP perlu mengambil inisiatif melalui idea yang kreatif dan inovatif dalam melaksanakan apa jua tugas demi mencapai matlamat organisasi.

Warga kerja yang hebat juga akan sentiasa bertanya apa yang boleh diberi atau disumbangkan dan bagaimana mempertingkatkan lagi prestasi. Saya ingin mengambil kesempatan ini untuk mengucapkan tahniah kepada seluruh warga kerja MBSP yang telah bertungkus-lumus menyempurnakan segala amanah dan sasaran peranan masing-masing dan berharap mereka akan terus komited dan istiqamah dalam mencapai visi dan misi MBSP. Tiada istilah berpuas hati dengan apa yang telah dilakukan dan hendaklah

membudayakan bekerja dengan ‘jiwa’ agar mencapai sasaran dan Hala Tuju Strategik Seberang Perai Yang mampan dan Lestari . Ini merupakan titik tolak ke arah kecemerlangan sosial baik dari segi kebersihan, perutmbuahan ekonomi, kesejahteraan sosial serta kelestarian alam sekitar. Hala tuju strategik yang dilaksanakan akan mengarah Seberang Perai Resilient, Inklusif, Hijau, Kompetitif dan Bandar Pintar dipacu oleh Teknologi.

Tuan-Tuan / Puan-Puan yang saya hormati sekalian,

Sebagai penutup ucapan aluan saya, marilah kita sama-sama mendengar kupasan lanjut tajuk Ceramah Perdana Khas pada malam ini iaitu ***“Ihsan: Kamu Melihat-Nya, Dia Melihat Kamu...”*** oleh Yang Berbahagia **Ustaz Don Daniyal Bin Don Biyajid**

Mudah-mudahan segala ilmu serta saranan serta peringatan yang telah disampaikan nanti dapat diterapkan dan menjadi amalan kita semua demi memperolehi redha Allah dan seterusnya memperoleh kebaikan di dunia dan paling penting adalah kebaikan di akhirat sana.

Akhir kata, saya sekali lagi mengucapkan ribuan terima kasih kepada tuan-tuan, puan-puan dan para hadirin sekalian kerana kesudian hadir ke Ceramah Perdana Khas Sempena Pengisytiharan Majlis Bandaraya

Seberang Perai anjuran Persatuan Kebajikan Pekerja Pekerja Islam Majlis Perbandaran Seberang Perai (PERMAI) bersama MPSP pada malam ini. Semoga kita semua mendapat manfaat dan ganjaran daripada Allah dalam kita memenuhi amanah kita sebagai khalifah Allah swt.

**TERIMA KASIH DAN SALAM HORMAT, WA BILLAHIT TAUFIQ
WALHIDAYAH, WASSALAMU `ALAIKUM WA RAHMATULLAHI WA
BARAKATUH.**

SEKIAN